

Namme	WFBO Prosedure bibeloersetten 210102
Eigenaar	Wurkgroep Fryske Bibeloersetting
Underwerp	Prosedure bibeloersetten
Datum	25 augustus 2020
Status	Definityf

It op 'e nij oersetten fan de Bibel yn de Fryske taal is troch it bestjoer fan de YKFE delegearre oan de Wurkgroep Fryske Bibeloersetting.

De Wurkgroep bestiet út fjouwer redaksjeleden en trije fertsjintwurdigers fan de YKFE en wurdt bystien troch in sekretaresse (Titia van Milgen) en twa kontroleurs Fryske taal (Baukje Westra en Hindrik Sijens).

Fertsjintwurdigers fan de YKFE binne: Drs. Lútsen Kooistra (foarsitter), Jelle Cnossen (finânsjes en planning) en Bob Pruiksmá (algemiene saken).

Leden fan de redaksje binne: Dr. Liuwe Westra (nijtestamintikus), Prof. Dr. Eep Talstra (âldtestamintikus), Dr. Lénart de Regt (Oersetkoördinator by de UBS en kontaktman ETCBC) en Prof. Dr. Rolf Bremmer (frisist).

#### Prosesbeskriuwing:

Algemien	<p>Liuwe Westra hat as redakteur de ferantwurding foar it oersetten fan de bibelboeken út it Nije Testamint.</p> <p>Eep Talstra en Lénart de Regt hawwe as redakteuren de ferantwurding foar it oersetten fan de bibelboeken út it Alde Testamint.</p> <p>Bob Pruiksmá hâldt as koördinator de administraasje fan it oersetproses by, gebrûk meitsjend fan in matrix fan bibelboeken, gearstald troch Lieuwe van Kampen. De kompjoeteroersetting fan it ETCBC (AT) krijt it predikaat F0.</p>
F1	<p>De redaksje stelt fêst wa't fan de mooglike oersetters earst frege wurdt in oersetpriuwke te meitsjen. As de redakteur AT/NT it priuwke goedkard hat, dielt hy de namme fan de nije oersetter mei oan de redaksje.</p> <p>De redakteur beslút nei oerlis mei de oersetter mei hokker bibelboek dy oan it wurk giet. In earste oersetting krijt it predikaat F1.</p>
F2	<p>De oersetters wurkje yn it kompjoeterprogramma Paratext en meitsje gebrûk fan de op de webside fan de Fryske Akademy online te rieplachtsjen Frysk Hânwurdbboek en staveringshifker.</p> <p>De redakteur hâldt as it nedich is tidens it oersetproses kontakt mei de oersetter en jout kommentaar op de oersettingen like faak as nedich is om ta in oersetting te kommen dy't neffens him opnommen wurde kin. It dokumint mei de troch de redakteur oanbrochte korreksjes krijt it predikaat F2. By bliuwend ferskil fan miening tusken oersetter en redakteur wurde de oare redaksjeleden en/of de YKFE-wurkgroepleden rieplachte.</p>

F3	It dokumint, dat klear is krijt it predikaat F3 en wurdt tastjoerd oan de koördinator, dy't kontroleart of de oersetting korrekt yn Paratext opnommen is.
F4	Rolf Bremmer hat as redakteur de ferantwurdling foar de wize fan brûken fan de Fryske taal. De troch de redakteuren Liuwe Westra, Eep Talstra en Lénart de Regt goedkarde definitive teksten (F3) wurde troch de koördinator foarlein oan Baukje Westra en Hindrik Sijens foar kontrôle op it soarte taalgebrûk Frysk en de styl fan skriuwen. Westra en Sijens dogge it wurk neffens de kriteria dy't dêrta troch de wurkgroep feststêld binne en lizze harren kommentaren foar oan Rolf Bremmer as earstferantwurdlik redaksjelijd foar wat it soarte Frysk en de styl oanbelanget.

	By bliuwend ferskil fan miening tusken redakteur en Sijens/Waringa wurde alle wurkgroepleden rieplachte. De wurkgroep nimt it finale beslút nei oerlis mei de oersetter. It dokumint, dat klear is krijt it predikaat F4. De koördinator meldt de ponghâlder fan de Stifting YKFE/FBO dat in bibelboek klear is en de oersetter betelle wurde kin.
Algemien	Alle ynhâldlike ôfspraken makke nei diskusje tusken redaksjeleden en de oersetters en ôfspraken oer it soarte te brûken Frysk nei diskusje tusken Rolf Bremmer en Baukje Westra/Hindrik Sijens nimt de koördinator op yn in konvinsjelist, dêr't elstenien him/har oan hâlde moat.
F5	De mei it predikaat F4 fêststelde oersettingen wurde foarlein oan in tal saakkundige meilêzers, dêrta frege troch de wurkgroep. De meilêzers stjoere eventuele foar te stellen korreksjes mei alternative oplossingen nei de koördinator, dy't al of net yn oerlis mei de oare redaksjeleden en de oersetter fan it bibelboek selektearret hokker mooglike ferbetteringen yn oanmerking komme foar oerlis yn de wurkgroep. Nei fêststellen fan al of net oanpassen krijt it dokumint it predikaat F5.
F6	Dokuminten of dielen fan dokuminten mei it predikaat F5 wurde publisearre op de website fan it NBG/WFBO en middels publikaasjes yn it Deiblêd al of net mei foarbylden fan F5-teksten tagonklik makke foar grutter publyk. Wa't opmerkings hat oer de nije oersettings stjoert dy opmerkings mei foarstellen ta ferbettering skriftlik oan de koördinator, dy't eventueel yn oerlis mei de wurkgroep klusters makket fan mei mekoar oerien kommende opmerkings. De wurkgroep organisearret twa kear yn 't jier in gearkomste dêr't eltsenien dy't meiprate wol wolkom is. De troch de koördinator selektearre klusters wurde troch de redaksjeleden besprutsen by dizze publyksgearkomsten. Nei eventuele oanpassingen troch de koördinator oanbrocht yn de dokuminten, krije dokuminten it predikaat F6.
F7	Dokuminten mei it predikaat F6 wurde troch de koördinator nei de Afûk stjoerd. De Afûk kontroleart op flaters lykas typeflaters en tapassing van lêstekens. Dokuminten neisjoen troch de Afûk krije it predikaat F7.
F8	Dokuminten mei it predikaat F7 wurde –as alle bibelboeken oerset binne– troch de koördinator oerlange oan it NBG fia Paratext.